



## ქალაქ ფოთის მუნიციპალიტეტის საკრებულო

### განკარგულება № 6/29

2021 წლის 27 იანვარი

#### ქალაქი ფოთი

ქალაქ ფოთის მუნიციპალიტეტის 2020 წლის ბიუჯეტის შესრულების შესახებ ქალაქ ფოთის მუნიციპალიტეტის მერის ანგარიშის დამტკიცების, ქალაქ ფოთის მუნიციპალიტეტის საკრებულოს საფინანსო-საბიუჯეტო კომისიის მიერ, ქალაქ ფოთის მუნიციპალიტეტის 2020 წლის ბიუჯეტის შემოსულობების შესრულებისა და ბიუჯეტიდან გამოყოფილი სახსრების ხარჯვის მდგომარეობის შესწავლის შესახებ.

საქართველოს ორგანული კანონის „ადგილობრივი თვითმმართველობის კოდექსის“ 24-ე მუხლის პირველი პუნქტის „დ.ა.“ ქვეპუნქტის, საქართველოს საბიუჯეტო კოდექსის 88-ე მუხლის, „ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ ქალაქ ფოთის მუნიციპალიტეტის საკრებულოს 2014 წლის 24 დეკემბრის № 21/56 დადგენილებით დამტკიცებული რეგლამენტის მე-3 მუხლის მე-6 პუნქტის „ა“ ქვეპუნქტის შესაბამისად, საკრებულოს განსაკუთრებულ უფლებამოსილებას განკუთვნება მუნიციპალიტეტის ბიუჯეტის პროექტის განხილვა და დამტკიცება, დამტკიცებულ ბიუჯეტში ცვლილების შეტანა, ბიუჯეტის შესრულების კონტროლი და ბიუჯეტის შესრულების შეფასება.

საქართველოს ორგანული კანონის „ადგილობრივი თვითმმართველობის კოდექსის“ 54-ე მუხლის პირველი პუნქტის „ბ.ა.“ ქვეპუნქტის შესაბამისად, ქალაქ ფოთის მუნიციპალიტეტის მერი საკრებულოს წელიწადში ერთხელ მაინც, მუნიციპალიტეტის საკრებულოს რეგლამენტით დადგენილი წესით წარუდგენს ანგარიშს ამ მიმართულებით გაწეული მუშაობის შესახებ. ასევე საქართველოს საბიუჯეტო კოდექსის 88-ე მუხლის პირველი პუნქტის შესაბამისად, წარმომადგენლობითი ორგანო არაუგვიანეს 1 მაისისა იღებს გადაწყვეტილებას წლიური ანგარიშის დამტკიცების ან დაუმტკიცებლობის შესახებ.

ქალაქ ფოთის მუნიციპალიტეტის საკრებულო აღნიშნავს, რომ ქალაქ ფოთის მუნიციპალიტეტის მერის მიერ წარმოდგენილი ქალაქ ფოთის მუნიციპალიტეტის 2020 წლის ბიუჯეტის შესრულების წლიური ანგარიშის მიხედვით, 2020 წელს საბიუჯეტო შემოსულობების გეგმა შესრულებულია 104,4 პროცენტით, დაზუსტებული გეგმა შეადგენდა 26516,0 ათ. ლარს, საკასო შესრულებამ შეადგინა 27685,9 ათ. ლარი, ანუ 1169,9 ათ. ლარით მეტი. მათ შორის:

1. შემოსავლების გეგმა შესრულებულია 104,5 პროცენტით, დაზუსტებული გეგმა შეადგენდა 25970,5 ათ. ლარს, საკასო შესრულებამ შეადგინა 27137,3 ათ. ლარი, ანუ 1166,8 ათ. ლარით მეტი. აქედან:

ა) გადასახადების გეგმა შესრულდა 100,5 პროცენტით, გეგმიური 13626,2 ათ. ლარის ნაცვლად მიღებულია 13688,7 ათ. ლარის შემოსავლები, ე.ი. 62,5 ათ. ლარით მეტი;

ბ) გრანტებიდან შემოსავლების გეგმა შესრულდა 95,5 პროცენტით, გეგმიური 7521,5 ათ. ლარის ნაცვლად მიღებულია 7184,8 ათ. ლარის შემოსავლები, ე.ი. 336,7 ათ. ლარით ნაკლები;

გ) სხვა შემოსავლების გეგმა შესრულდა 129,9 პროცენტით, გეგმიური 4822,8 ათ. ლარის ნაცვლად მიღებულია 6263,8 ათ. ლარის შემოსავლები, ე.ი. 1441,0 ლარით მეტი.

2. არაფინანსური აქტივების კლებიდან მისაღები შემოსავლების გეგმა შესრულებულია 100,6 პროცენტით, დაზუსტებული გეგმა შეადგენდა 545,5 ათ. ლარს, საკასო შესრულებამ შეადგინა 548,6 ათ. ლარი, ანუ 3,1 ათ. ლარით მეტი.

3. ფინანსური აქტივების კლება და ვალდებულებების ზრდა გეგმით არ ყოფილა გათვალისწინებული.

რაც შეეხება ადგილობრივი ბიუჯეტის გადასახდელებს, საანგარიშო პერიოდში გეგმა შესრულებულია 84,7 პროცენტით, დაზუსტებული გეგმა შეადგენდა 30704,7 ათ. ლარს, საკასო შესრულებამ შეადგინა 26005,4 ათ. ლარი, ანუ 4699,3 ათ. ლარით ნაკლები. მათ შორის:

I. ინფრასტრუქტურის განვითარების დაფინანსების გეგმა შესრულებულია 80,9 პროცენტით. დაზუსტებული გეგმა - 12689,8 ათ. ლარი, საკასო შესრულება - 10268,8 ათ. ლარი, ე.ი. 2421,0 ათ. ლარით ნაკლები, ანუ 80,9 პროცენტი.

მათ შორის:

საგზაო ინფრასტრუქტურის განვითარების გეგმა შესრულებულია 79,1 პროცენტით. გეგმა - 3723,7 ათ. ლარი, საკასო შესრულება - 2945,3 ათ. ლარი, ანუ 778,4 ათ. ლარით ნაკლები. აქედან: გზების კაპიტალური შეკეთების გეგმა შესრულებულია 77,6 პროცენტით. გეგმა - 3068,7 ათ. ლარი, საკასო შესრულება 2382,4 ათ. ლარი, ანუ 686,3 ათ. ლარით ნაკლები.

გზების კაპიტალური შეკეთების ტენდერების გარკვეული ნაწილი გამოცხადდა 2020 წლის მეორე ნახევარში, სამუშაოთა წარმოებისათვის ტენდერის დაკონტრაქტება განხორციელდა წლის ბოლოსათვის, შესაბამისად სამუშაოების დასრულება გათვალისწინებული იყო დეკემბრის თვეში. შემდგომში კონტრაქტორებმა დროულად ვერ უზრუნველყველ ხელშეკრულებით გათვალისწინებულ ვადებში სამუშაოების შესრულება, რის გამოც აუთვისებელი დარჩა თანხები და გადმოვიდა 2021 წელს.

ბინათმშენებლობის გადასახდელების გეგმა შესრულებულია 60,7 პროცენტით, გეგმა შეადგენდა 1780,4 ათ. ლარს, საკასო შესრულებამ შეადგინა 1080,9 ათ. ლარი, ანუ 699,5 ათ. ლარით ნაკლები. აქედან: მრავალსართულიანი საცხოვრებელი სახლების ფასადების, სახურავებისა და სადარბაზოების რეაბილიტაციის გეგმა შესრულებულია 57,1 პროცენტით. გეგმა შეადგენდა 1576,5 ათ. ლარს, საკასო შესრულებამ შეადგინა 900,7 ათ. ლარი, ანუ 675,8 ათ. ლარით ნაკლები.

ბინათმშენებლობის გადასახდელების გეგმის შეუსრულებლობა (მრავალსართულიანი საცხოვრებელი სახლების ფასადების, სახურავებისა და სადარბაზოების რეაბილიტაცია), გამოიწვია იმან, რომ ტენდერი გამოცხადდა თანხის მოძიების შემდეგ, გაფორმდა ხელშეკრულება, მაგრამ სახურავებისა და ფასადების ფილების მოხსნა კონტრაქტორმა დადგენილ ვადებში ვერ განახორციელა და თანხები 2020 წელს ვერ იქნა ათვისებული.

კეთილმოწყობის ღონისძიებები დაფინანსებულია 85,4 პროცენტით. გეგმა შეადგენდა 5207,7 ათ. ლარს, საკასო შესრულება - 4447,2 ათ. ლარი, ანუ 760,5 ათ. ლარით ნაკლები. მათ შორის: საზოგადოებრივი სივრცეების მოწყობა-რეაბილიტაცია, ექსპლუატაციის გეგმა შესრულებულია 84,9 პროცენტით. გეგმა შეადგენდა 4581,7 ათ. ლარს, საკასო შესრულება 3888,0 ათ. ლარი, ანუ 693,7 ათ. ლარით ნაკლები. ასევე 87,6 პროცენტითაა შესრულებული ატრაქციონებისა და ტრენაჟორების შემენა-მონტაჟის გეგმა, რომელიც შეადგენდა 540,0 ათ. ლარს, საკასო შესრულებამ შეადგინა 473,3 ათ. ლარი, ანუ 66,7 ათ. ლარით ნაკლები.

რაც შეეხება კეთილმოწყობის სამუშაოების დაფინანსებას (ეზოების, პარკების, საზოგადოებრივი სივრცეების მოწყობა-რეაბილიტაცია), ტენდერის გამოცხადების შემდეგ სამუშაოების განხორციელება დაიწყო 2020 წლის მეორე ნახევარში და ამ შემთხვევაშიც კონტრაქტორი ვერ ჩაეტია ხელშეკრულებით გათვალისწინებულ ვადებში. სამუშაოები გადმოვიდა 2021 წელს.

უნდა აღინიშნოს, რომ არასათანადოდ ხორციელდებოდა საზედამხედველო საქმიანობა ხელშეკრულებით გათვალისწინებულ ვადებში სამუშაოების შესრულებაზე.

ატრაქციონებისა და ტრენაჟორების შემენა-მონტაჟის სამუშაოები დასრულდა 2020 წელს, მაგრამ თანხა გადახდილ იქნა 2021 წელს, რაც ხელშეკრულებით იყო გათვალისწინებული.

II. დასუფთავება და გარემოს დაცვა დაფინანსებულია 96,5 პროცენტით. დაზუსტებული გეგმა - 2005,6 ათ. ლარი, საკასო შესრულება 1934,5 ათ. ლარი, ანუ 71,1 ათ. ლარით ნაკლები.

დასუფთავებისა და გარემოს დაცვის სამუშაოები განხორციელდა სერვისების ცენტრის მიერ სუბსიდიით. დარჩენილი თანხა გაიცა 2021 წელს.

III. განათლება დაფინანსებულია 81,9 პროცენტით, დაზუსტებული გეგმა შეადგენდა 3857,1 ათ. ლარს, საკასო შესრულებამ შეადგინა 3158,8 ათ. ლარი, ანუ 698,3 ათ. ლარით ნაკლები. მათ შორის:

სკოლამდელი დაწესებულებების რეაბილიტაციის გეგმა შესრულდა 32,1 პროცენტით. გეგმა შეადგენდა 674,5 ათ. ლარს, საკასო შესრულება - 216,5 ათ. ლარი, ანუ 458,0 ათ. ლარით ნაკლები.

პანდემიის გამო, განათლების სფეროში თანხები გამოთავისუფლდა და მათზე მოთხოვნა არ ყოფილა. რაც შეეხება სკოლამდელი დაწესებულებების რეაბილიტაციას, სამუშაოების ნაწილი შესრულდა 2020 წელს, ხოლო დარჩენილი სამუშაოები გადმოვიდა 2021 წელს და ამჟამადაც მიმდინარეობს.

IV. კულტურა, რელიგია, ახალგაზრდობა და სპორტი დაფინანსებულია 87,9 პროცენტით. დაზუსტებული გეგმა - 4243,0 ათ. ლარი, საკასო შესრულება - 3731,2 ათ. ლარი, ანუ 511,8 ათ. ლარით ნაკლები. მათ შორის:

სპორტის სფეროს განვითარება დაფინანსებულია 83,8 პროცენტით, გეგმა შეადგენდა 2482,9 ათ. ლარს, საკასო შესრულება - 2081,5 ათ. ლარი, ანუ 401,4 ათ. ლარით ნაკლები. მათ შორის:

კაპიტალური დაბანდებები სპორტის სფეროში დაფინანსებულია 59,0 პროცენტით, გეგმა - 959,0 ათ. ლარი, საკასო შესრულება - 565,7 ათ. ლარი, ანუ 393,3 ათ. ლარით ნაკლები.

კულტურის სფეროს განვითარება დაფინანსებულია 93,5 პროცენტით, გეგმა შეადგენდა 1515,1 ათ. ლარს, საკასო შესრულება 1416,0 ათ. ლარი, ანუ 99,1 ათ. ლარით ნაკლები. კაპიტალური დაბანდებები კულტურის სფეროში დაფინანსებულია 79,9 პროცენტით. გეგმა - 335,1 ათ. ლარი, საკასო შესრულება - 267,7 ათ. ლარი, ანუ 67,4 ათ. ლარით ნაკლები.

პანდემიის გამო, კულტურული და სპორტული ღონისძიებები არ ჩატარებულა, რის გამოც, თანხები გამოთავისუფლდა და გამოუყენებელი დარჩა.

რაც შეეხება კაპიტალური დაბანდებებს სპორტის სფეროში, 2020 წელს სამუშაოები პანდემიის გამო ვერ დასრულდა და ეტაპობრივად მიმდინარეობს 2021 წელს, ხოლო კულტურის სფეროში კაპიტალური დაბანდებების თანხები ვერ იქნა ათვისებული, ვინაიდან კონტრაქტორის მიერ ხელშეკრულებით გათვალისწინებული ვადები დაირღვა და სამუშაოები გადმოვიდა მიმდინარე წელს.

V. ჯანმრთელობის დაცვა და სოციალური უზრუნველყოფა დაფინანსებულია 86,8 პროცენტით. დაზუსტებული გეგმა - 2740,5 ათ. ლარი, საკასო შესრულება - 2379,1 ათ. ლარი, ანუ 361,4 ათ. ლარით ნაკლები. მათ შორის:

ჯანდაცვის პროგრამები დაფინანსებულია 77,2 პროცენტით. გეგმა - 618,9 ათ. ლარი, საკასო შესრულება - 478,1 ათ. ლარი, ანუ 140,8 ათ. ლარით ნაკლები. ხოლო სოციალური დაცვა დაფინანსებულია 88,3 პროცენტით, გეგმა - 985,8 ათ. ლარი, საკასო შესრულება - 870,9 ათ. ლარი, ანუ 114,9 ათ. ლარით ნაკლები.

ჯანდაცვის პროგრამების დაფინანსების აუთვისებლობა გამოწვეულია იმ მიზეზით, რომ ხშირ შემთხვევაში მოქალაქის მიერ წარმოდგენილი განცხადება თანხის ანაზღაურების თაობაზე არ შეესაბამებოდა პროგრამის მართვის პირობებით გათვალისწინებულ მოთხოვნებს და რის გამოც, მოქალაქეთა ნაწილს უარი ეთქვათ დახმარების მიღებაზე.

სოციალური პროგრამების დაფინანსების ნაწილი გადმოვიდა 2021 წელს და სრულად დაფინანსდა.

VI. მმართველობა და საერთო დანიშნულების ხარჯები დაფინანსებულია 87,7 პროცენტით, გეგმა - 5168,7 ათ. ლარი, საკასო შესრულება - 4533,0 ათ. ლარი, ანუ 635,7 ათ. ლარით ნაკლები.

პანდემიის პირობებში საჯარო მოხელეების წახალისება არ განხორციელებულა.

2020 წელს ქალაქ ფოთის მუნიციპალიტეტის ბიუჯეტის სარეზერვო ფონდიდან გამოიყო 125447,00 ლარი, საიდანაც ათვისებულ იქნა 119257,21 ლარი, ე.ი. 6189,79 ლარით ნაკლები, ანუ 95,1 პროცენტი.

ნაშთმა 2021 წლის 1 იანვრისთვის შეადგინა 6104,1 ათ. ლარი, რომელიც შედგება:

- ა) სახელმწიფო ბიუჯეტის ფონდებიდან გამოყოფილი ტრანსფერი - 1043,7 ათ. ლარი;
- ბ) ხაზინის ერთან ანგარიშზე დასაბრუნებელი თანხა - 63,1 ათ. ლარი;

გ) კრედიტორული დავალიანებები და სამუშაოების დასაფინანსებელი თანხა, რომელიც გადმოვიდა 2021 წელს - 1204,9 ათ. ლარი:

დ) 2021 წელს შესასრულ სამუშაოებზე გასანაწილებელი თანხები - 3792,4 ათ. ლარი, მათ შორის ჭარბი შემოსავლები - 1100,0 ათ. ლარი.

ქალაქ ფოთის მუნიციპალიტეტის საკრებულოს საფინანსო-საბიუჯეტო კომისიამ შეისწავლა საკითხი „ქალაქ ფოთის მუნიციპალიტეტის 2020 წლის ბიუჯეტის შემოსულობების შესრულებისა და ბიუჯეტიდან გამოყოფილი სახსრების ხარჯვის მდგომარეობის შესახებ“. საკითხის შესწავლის შედეგად გამოვლინდა, რომ 2021 წლის 1 იანვრის მდგომარეობით ქალაქ ფოთის მუნიციპალიტეტის ბალანსზე ირიცხებოდა დებიტორულ-კრედიტორული დავალიანებები.

ქალაქ ფოთის მუნიციპალიტეტის მერის მიერ წარმოდგენილი 2020 წლის ბიუჯეტის შესრულების წლიური ანგარიში არ შეიცავს უზუსტობებს და რეალურად ასახავს მუნიციპალიტეტის ფინანსური საქმიანობის შედეგებს.

ზემოაღნიშნულის გათვალისწინებით, ქალაქ ფოთის მუნიციპალიტეტის 2020 წლის ბიუჯეტის შესრულების წლიური ანგარიში შესაძლებელია შეფასდეს დამაკმაყოფილებლად.

#### აღნიშნულიდან გამომდინარე:

##### მუხლი 1.

დამტკიცდეს ქალაქ ფოთის მუნიციპალიტეტის მერის ანგარიში ქალაქ ფოთის მუნიციპალიტეტის 2020 წლის ბიუჯეტის შესრულების შესახებ და ამ მიმართებით გაწეული მუშაობა შეფასდეს დამაკმაყოფილებლად.

##### მუხლი 2.

ქალაქ ფოთის მუნიციპალიტეტის საკრებულოს საფინანსო-საბიუჯეტო კომისიის მიერ „ქალაქ ფოთის მუნიციპალიტეტის 2020 წლის ბიუჯეტის შემოსულობების შესრულებისა და ბიუჯეტიდან გამოყოფილი სახსრების ხარჯვის მდგომარეობის შესახებ“ საკითხის და საფინანსო დოკუმენტაციის შესწავლის აქტი მიღებულ იქნას ცნობად.

##### მუხლი 3.

ქალაქ ფოთის მუნიციპალიტეტის მერმა (გოჩა კურდღელია) საქართველოს ორგანული კანონის „ადგილობრივი თვითმმართველობის კოდექსის“ 54 -ე მუხლის პირველი პუნქტის „ბ.დ.“ ქვეპუნქტის შესაბამისად, გაატაროს ქმედითი ღონისძიებები ქალაქ ფოთის მუნიციპალიტეტის საკრებულოს საფინანსო-საბიუჯეტო კომისიის მიერ საკითხის შესწავლის დროს გამოვლენილი ნაკლოვანებების აღმოფხვრისათვის, რისთვისაც:

ა)საბიუჯეტო პროცესის სრულყოფილად წარმართვის მიზნით ყოველმხრივ დახვეწოს კონტროლის მექანიზმები და შესაბამის სამსახურებთან ერთად საქმიანობა წარმართოს ისე, რომ უზრუნველყოს ამ მიმართულებით პროცესის გაუმჯობესება არსებული რისკების შეფასებითა და მოქმედ კანონმდებლობასა და მარეგულირებელ ნორმებთან შესაბამისობის დადგენის გზით.

ბ)განსაკუთრებული ყურადღება მიექცეს იმ სუბიექტური თუ ობიექტური მიზეზების მაქსიმალურად აღმოფხვრას, რომლებმაც განაპირობეს სხვადასხვა სფეროში თანხების აუთვისებლობა, განსაკუთრებით კი ისეთი მნიშვნელოვანი მიმართულებებით, როგორიცაა ინფრასტრუქტურა და სოციალური დარგები.

გ)აღმასრულებელი ხელისუფლების ყურადღება მიექცეს იმ გარემოებას, რომ მუნიციპალიტეტმა ვერ უზრუნველყო დაუსრულებელი ინფრასტრუქტურული და სოციალური პროექტების დაფინანსება იმ პირობებში, როცა თავისუფალი ნაშთის სახით საკუთარ ანგარიშზე გააჩნდა მნიშვნელოვანი თანხები. მომავალში ფინანსური რესურსების

რაციონალური მართვის უზრუნველყოფის მიზნით, თავისუფალი თანხები ოპერატიულად იქნეს მიმართული ინფრასტრუქტურული თუ სოციალური პროექტების გასაგრძელებლად. დ) გაატაროს ქმედითი ღონისძიებები ქალაქ ფოთის მუნიციპალიტეტის ბალანსზე რიცხული დებიტორულ-კრედიტორული დავალიანებების შემცირება-აღმოფხვრისათვის.

#### მუხლი 4.

გატარებული ღონისძიებების შესახებ ქალაქ ფოთის მუნიციპალიტეტის მერმა (გოჩა კურდღლია) აცნობოს ქალაქ ფოთის მუნიციპალიტეტის საკრებულოს 2021 წლის ბოლომდე.

#### მუხლი 5.

კონტროლი განკარგულების შესრულებაზე დაევალოს საკრებულოს საფინანსო-საბიუჯეტო კომისიას (თორნიკე კირთაძე).

#### მუხლი 6.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციულ საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის მე-3 ნაწილის შესაბამისად, აღნიშნული განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა № 3).

#### მუხლი 7.

განკარგულება ძალაშია ხელმოწერისთანავე.

საკრებულოს თავმჯდომარე



ბექა ვაჟარაძე